



Stjórnarfundur STEFs 18. mars 2019 Fundargerð – útdráttur

Á skrifstofu STEFs að Laufásvegi 40 var haldinn fundur í stjórn STEFs föstudaginn 18. mars 2019 og hófst hann kl 11:00. Mættir voru: Þórunn Gréta Sigurðardóttir (formaður), Sigurður Flosason, Hjálmar H. Ragnarsson, Jakob Frímann Magnússon, Óttarr Proppé auk Gunnars Andreas Kristinssonar, sem mætti sem varamaður fyrir Pál Ragnar Pálsson. Bragi Valdimar Skúlason boðaði forföll, en ekki tókst að fá varamann fyrir hann á fundinn. Að auki sat framkvæmdastjórinn, Guðrún Björk Bjarnadóttir, fundinn.

Dagskrá fundarins var lögð fram. Þetta gerðist helst:

1. Fundargerð síðasta stjórnarfundar frá 1. febrúar 2019 og útdráttur úr fundargerð lagt fram til samþykktar. Samþykkt með smávægilegum breytingum.
2. Yfirlit yfir starfsemina frá síðasta stjórnarfundum lagt fram.
 - a. Umsögn STEFs o.fl. rétthafasamtaka vegna frumvarps til breytinga á lögum um rafræn viðskipti.
 - b. Bréf frá Lindex og staðfesting Epidemic Sound.

Nokkrar umræður urðu um þetta mál og ljóst að STEF þarf að undirbúa sig undir harðari og meiri samkeppni á þessu sviði.

3. Frumvarp til laga um skattlagningu tekna af höfundaréttindum.
 - a. Drög að frumvarpi lögð fram.
 - b. Drög að umsögn STEFs um frumvarpið lögð fram.
 - c. Álit Deloitte um áhrif tvísköttunarsamninga á greiðslu fjármagnstekjuskatts af höfundaréttartekjum lagt fram.

Niðurstaða álitsins í stuttu máli er að þetta mun nýtast STEFi til að halda í þá meðlimi sem eru með skattalega heimilisfesti á Íslandi eða til að ná til baka í höfunda sem eru búsettir hér á landi. Hins vegar getur þetta ekki nýst til að ná til STEFs erlendum höfundum með skattalega heimilisfesti í öðrum ríkjum vegna ákvæða tvísköttunarsamninga.

4. Frumvarp til laga um sameiginlega umsýslu höfundaréttar.
 - a. Drög að frumvarpi lögð fram.
 - b. Drög að umsögn STEFs um frumvarpið lögð fram.

Ákveðið var að bæta aðeins við umsagnardrögin áður en þau yrðu send inn um óþjálta málfar frumvarpsins.

5. Laufásvegur 40 – kostnaður við framkvæmdir og yfirfærsla eignarhluta FTT og TÍ.



Ákveðið var að FTT og Tí muni færa eignarhluta sína í húsinu niður í 10% til að greiða framlag sitt til endurbóta hússins.

6. Enskur undirtitill STEFs.

Ákveðið var að enskur undirtitill STEFs verði Icelandic Composers Rights Society.

7. Verklagsreglur Ferðasjóðs – drög að verklagsreglum lögð fram sem stjórn Ferðasjóðs hefur fjallað um. Voru drögin samþykkt með nokkrum breytingum. Verða reglurnar birtar á vef STEFs.

8. Önnur mál.

a. Myndlistarverk á Laufásvegi 40.

Hjálmar og Guðrún Björk gerðu grein fyrir þeim leiðangri sem þau fóru í að skoða myndlistarverk. Var þeim falið umboð stjórnar til að klára málið.

b. Framtíð Loftbrúar.

Málið var kynnt, en formlegt erindi frá ÚTÓN mun berast stjórn STEFs síðar.

Fleiri mál voru ekki fram borin.

Fundi slitið kl. 13:00.